

Epeso

Jesus hã h'yy ka'eeh do Epeso häd näng do panang bä habong do hã Paw-Ro ma erih do hahÿÿh

Kedëng do ky n'aa hahÿÿh

¹ Paw-Ro ÿ ti hÿÿh, P'op Hagä Do karën do hyb n'aa Kristo Jesus mejüü do see ÿ hado däk doo. ÿ edëng bëeh, Epeso panang bä habong do tsyt hë P'op Hagä Do wë kasëew hõm doo, Kristo Jesus hã h'yy kata däk doo, ta hã h'yy kanerët doo.

² Äã karën P'op Hagä Do ër Yb, Jesus Kristo Tak'ëp Hyb N'aa Jawyk Do na-ääj hë ky en'yym bë hä. Äã karën baad bë rah'yyb en'yym.

Kristo hyb n'aa ji P'op Hagä Do ky n'aa edëng do ky n'aa hahÿÿh

³ Taw'ääts hë ji j'aa etsë P'op Hagä Doo, ër Wahë N'aa Jesus Kristo h'yy kaha'eeh doo, ta Yb. Ti né ta ti tabag'ääs doo bä ër taky n'aa edëng do sahõnh hë baad hadoo doo me, hÿ pong jé hana doo me, badäk hahÿÿ bä naa nadoo doo me. Ër taky n'aa edëng, Kristo hã ër h'yy kata däk tabanoo do hyb n'aa. ⁴ Hahÿÿ da tabad'oo ër hã: Sahõnh hë badäk hahÿÿ tapahuunh do pooj jé, Kristo hyb n'aa ër tabasëew hõm ta wë. Ër tabasëew hõm tsyt hë, nesaa do mahãnh, baad had'op doo da ër babok hyb n'aa ta matym gó. Ër takamahãnh do hyb n'aa, ⁵ sahõnh hë tapahuunh do pooj jé, Jesus Kristo hyb n'aa ër hã tah'yyb däng, ta taah ër bahadoo hyb n'aa kä. Tii d' tawén d'oo, tii da tah'yyb däng do hyb n'aa, tii da takarën do hyb n'aa. ⁶ Ta wë ër tabasëew

hõm, ta taah er bahado däk tabanoo na-ãäj hẽ, tak'ep taky enyym do hyb n'aa ji j'aa etsẽ hyb n'aa ta hã. Baad er wẽ taky enyww hõm ta T'aah hyb n'aa, takamahñ doo. ⁷ Ta T'aah hyb n'aa, ta T'aah majyyw me er tabed'ëep nesaa do mahãnh. Ta T'aah er hyb n'aa tadajep do hyb n'aa, tabawug hõm nesaa do er h'yyb tym gó hanäng doo. Tii d' tawén d'oo, tak'ep taky enyym do hyb n'aa. ⁸ Tak'ep né hẽ er wẽ taky enyww hõm. Sahõnh hã er tah'yy gan'yyh, sahõnh hã er h'yy kadaw'uuh tan'oo bã. ⁹ P'op Hagä Do karën do hyb n'aa tametä wät er hã nyy da tah'yyb däng tabad'oo Kristo hyb n'aa. Pooj jé, dooh hapäh pé tah'yyb däng doo. ¹⁰ Hahỹ ti P'op Hagä Do h'yyb däng tabad'oo: Tah'yyb däng do noo gó kajaa bã kä, sahõnh hẽ, hỹ pong jé habong doo, badäk hahỹ hã habong do na-ãäj hẽ, séd hã da tabata däk, sahõnh hẽ sa nu gabóg Kristo bahado däk hyb n'aa kä.

¹¹ Kristo hyb n'aa, ãã P'op Hagä Do asëew hõm ta karapee ãã bahadoo hyb n'aa. Tii d' tawén d'oo, p'ooj ub tah'yyb däng do hyb n'aa tii da ãã hã tabad'oo. Takarën doo da né hẽ P'op Hagä Do moo wät sahõnh hẽ. ¹² ãã tabasëew hõm ta wẽ, P'op Hagä Do kabaj'aa do ãã j'aa etsẽ hyb n'aa, ãã pooj jé Kristo hã h'yy kae däk doo. ¹³ Kristo hyb n'aa, bë hã na-ãäj hẽ taban'oo däg kån ta karapee bë bahadoo hyb n'aa hỹ kä. Baad hadoo do ky n'aa, ji tabed'ëep do panyyg n'aa hanäm do bë maa napäh bã, Kristo hã bë h'yy kae däk bã kä, bë hã taban'oo däg kån ta Sahee taky n'aa enooh do paah. ¹⁴ Ta jawén, ta karapee P'op Hagä Do baad tabed'ëep noo gó kajaa bã kä, er gadoo da sahõnh hẽ er hã taky n'aa enooh doo. Pooj jé dó er hã tabanoo ta Sahee, ta jawén er gadoo do metëe n'aa. Sahõnh hẽ ta ti tawén d'oo, ta kabaj'aa do ji j'aa etsẽ hyb n'aa.

Jesus hä h'yy ka'eeh do sa hyb n'aa Paw-Ro ky n'aa etsëe do ky n'aa hahÿÿh

¹⁵ Ti hyb n'aa, ÿ ky n'aa napäh bä Jesus, Tak'ëp Hyb N'aa Jawyk Do hä bë h'yy kae däk doo, sahõnh hë ta hä h'yy ka'eeh do bë kamahän ÿ ky n'aa napäh bä na-ãäj hë, ¹⁶ ÿ paa du doo P'op Hagä Do hä ÿ j'aa etsë bë hyb n'aa. Doo ÿ eréd bä bë hyb n'aa P'op Hagä Do ÿ j'aa etsë doo. P'op Hagä Do hä ÿ ky n'aa etsëe bä, bë ÿ ky n'aa ets'ëe had'yyt hë. ¹⁷ P'op Hagä Do ër Wahë N'aa Jesus Kristo h'yy kaha'eeh doo, ër Yb tak'ëp kabaj'aa doo, tak'ëp baad hadoo do hä ÿ ky n'aa etsëe, ta Sahee me bë tah'yy gan'yyh hyb n'aa, bë hä tagahoot hyb n'aa na-ãäj hë, baad P'op Hagä Do bë bahapäh hyb n'aa kä. ¹⁸ Bë hyb n'aa ÿ ky n'aa etsëe, bë h'yy kadaw'uuh P'op Hagä Do an'oo bä, bë hapäh hyb n'aa ny hadoo do baad hadoo do ta jawén bë gadoo do pan'aa bë P'op Hagä Do wén naëej wät.* ãã karën bë bahapäh tak'ëp hajõng doo, tak'ëp hetsooh do ta karapee tsyt hë ta wë kasëew bong do sa hä taky n'aa enooh doo, ta jawén ragadoo hyb n'aa. ¹⁹ ãã ky n'aa etsëe na-ãäj hë bë bahapäh hyb n'aa, tak'ëp sahõnh hë bahänh hadoo do ta hejój ëer, ta hä h'yy ka'eeh do hä tanoo doo. Ti né hë ta ti ta hejój tak'ëp ta kabaj'aa doo me tametëeh doo, ²⁰ dejëp do mahang Kristo ganä wät tan'oo bä. Ta ti hejój me né hë, hÿ pong jé, ta hub hadäk hënh, takaweh'ëeh doo bä, Kristo basooh P'op Hagä Do an'oo bä, ²¹ sahõnh hë kabaj'aa do ji nahapäh do sa bahänh, sahõnh hë bag'ääs do ji nahapäh do sa bahänh, sahõnh hë hejój enäh do ji nahapäh do sa bahänh, sahõnh hë mejüü do ji nahapäh

* 1:18 Badagyp do hadoo doo gó ji bawät nä noo gó, ji P'op Hagä Do naëënh Jesus hä ji h'yy ka'eeh hyb n'aa, edëb had'yyt do takarën tabanoo do hyb n'aa ji hä. Hajõng baad hadoo do na-ãäj hë takarën tabanoo ji hä.

do sa bahãnh Kristo bahado däk hyb n'aa kä. Sahõnh hẽ hyb n'aa jewyk doo, da hẽ habong doo, ta jawén habong do na-ããj hẽ, sa bahãnh hyb n'aa jawyk Kristo bahadoo P'op Hagä Do an'oo bä na-ããj hẽ. ²² Sahõnh hã Kristo mejüü P'op Hagä Do an'oo bä, sa hã taj'aa ketsëë däk do hyb n'aa. Sahõnh hẽ ta hã h'yy ka'eeh do sa nu gabóg Kristo, P'op Hagä Do an'oo bä. ²³ Kristo hã h'yy ka'eeh doo, Kristo hub hadoo, ta tsyym hadoo, ta moo hadoo. Sa hyb n'aa baad sahõnh hẽ takaja däk Kristo wë, ta hã rakata däk hyb n'aa. Kristo né hẽ ti sahõnh hẽ baad takaja däk hanoo doo.

2

¹ Bëeh, dejëp do hadoo bë h'yyb tym p'ooj ub P'op Hagä Do hã, tamejüü do bë ky nadaheeh do hyb n'aa, baad nadoo do bë moo bok do hyb n'aa na-ããj hẽ. ² Nesaa do bë moo heb'oooh paah, badäk hahÿÿ hã habong do P'op Hagä Do hã h'yy kana'eeh do rabahed'oo doo da né hẽ. Ti noo gó bë paa ky daheeh Nesaa Do Yb, karap'aar h'yyb nesaa do wë hã habong do sa wahë n'aa, P'op Hagä Do hã ky nadah'eeh do sa h'yyb mejüü doo. ³ ãã na-ããj hẽ, ãã sahõnh hẽ, ky nadah'eeh do sa da h'yyb hadoo paa ããh, Jesus hã ãã h'yy kana'eeh nä bä. Nesaa do ãã hub karën do jawén, ãã h'yyb säg karën do jawén na-ããj hẽ ãã babok paah. Nesaa hyb n'aa ji h'yyb ji henäng noo gó naa, ãã na-ããj hẽ P'op Hagä Do rejãã paawä, sahõnh hẽ ta wób sa nemuun.

⁴ Ti hado né paawä, P'op Hagä Do tak'ëp ji tat'yyd mehïïn doo, tak'ëp ër takamahãn do hyb n'aa ⁵ ër tabedëëb wät hadoo Kristo sii ër dejëp do hadoo noo gó. Dajëp hadoo paa ëër, P'op Hagä Do mejüü do ër ky nadaheeh do hyb n'aa. (Jããm hẽ bë hã taky enyym do hyb n'aa bë tawén edëëb wät nesaa do mahãnh. Dooh bë hanaa tado bä tii.) ⁶ Kristo sii ër ganä wät hadoo tan'oo

bä, Kristo Jesus sii hỹ pong jé er bat'oonh hadoo tan'oo bä na-ãāj hē,* Kristo hã er h'yy kata däk do hyb n'aa. ⁷ Tii d' tawén d'oo, tak'ëp, sahõnh hē bahãnh hadoo do taky enyym do hỹ jawén sahõnh hã takametëeh hyb n'aa. Èr hã Kristo Jesus bad'oo do hã kametä däk tak'ëp ji wë taky enyym doo. ⁸ Jããm hē bë hã taky enyym do hyb n'aa bë tedëeb wät nesaa do mahãnh, bë h'yy ka'eeh do hyb n'aa ta hã. Dooh bë hanaa tado bä tii. P'op Hagä Do anoo tii, ji matym n'aa hadoo. ⁹ Dooh baad hadoo do ji moo wät do hyb n'aa ji tawén ed'ëep, ji daaj hē ji hã hē ji h'yy kasabé mahãnh. ¹⁰ P'op Hagä Do mo haj'aa ëer. Papuuj er tapehuunh Kristo Jesus hyb n'aa, baad hadoo do er moo bok hyb n'aa hỹ kã. P'op Hagä Do enyiw däk paa er pooj jé ta ti baad hadoo do er moo bok do pan'aa.

Séd rah'yyb hedo däg kãn sahõnh hē Kristo hã h'yy ka'eeh do ky n'aa hahỹh

¹¹ Ti hyb n'aa, bëeh, Judah buuj nadoo doo, “Masuuj noo byyh kanehök do” bë ramaneëenh do Judah buuj hã, sa daaj hē “Masuuj noo byyh kehök do” rakamaneëenh do hã, bë hyb n'aa newë nyy da pooj jé bë babok do paah. (Ta ti Judah buuj bad'oo doo, sa daaj hē sa hã hē ramoo bok do tii.) ¹² Ti noo gó, dooh Kristo bë hapëe bä. Dooh Isaraéw buuj, P'op Hagä Do karapee uuh bë do bä. Dooh bë gado bä ti noo gó Isaraéw buuj sa hã P'op Hagä Do ky n'aa enooh doo, sa uuh bë nadoo do hyb n'aa. Badäk hahỹh bä bë baboo né paawä, dooh baad hadoo do bë gada pé ti noo gó, daap bë babok, dooh P'op Hagä Do bë hapëe bä ti noo gó. ¹³ Hỹ kã, Kristo Jesus hã bë h'yy kata däk do hyb n'aa, bëeh, pooj jé dawëe P'op Hagä Do mahãnh habong doo,

* 2:6 Ta sii er bag'aäs hyb n'aa, ta sii hỹ pong jé er bat'oonh tan'oo bä.

p'eets hē, ta wē bē tamana kän, Kristo ji hyb n'aa tadajëp do hyb n'aa.

¹⁴ Kristo né ti hanoo, Judah buuj, Judah buuj nadoo do rakamanajē bong hyb n'aa. Séd uuh hē ér bahado däk tan'oo bä kä. Pooj jé ti anäng ta baa besuu n'aa hadoo, sa h'yyb gó Judah buuj dooh ragado bä Judah buuj nadoo do hanoo doo. Dooh séd rah'yyb hedo bä pooj jé, rakamaj'ĩ paah. Hÿÿ kä Jesus ado hóm ta baa besuu n'aa hadoo doo. ¹⁵ Hahÿÿ d' tabad'oo tii: Ji hyb n'aa tadajëp do hyb n'aa, dooh Mosees ky n'aa jaw'yyk doo, hajöng hedoo do hã ji tamejũ do hyb n'aa tado wäd bä P'op Hagä Do ji tagadoo, Kristo an'oo bä. Tii d' tawén d'oo papuuj hadoo do takarën. Takarën sét rabahado padëek Judah buuj Judah buuj nadoo doo, ta hã rah'yy kata däk do hyb n'aa. Tii d' tabad'oo do hyb n'aa, tado hóm rakamaj'ĩ doo. ¹⁶ B'aa kajatsëk do hã tadajëp do hyb n'aa, tado hóm kän rakamaj'ĩ doo. P'op Hagä Do najiis rabahado padëek tan'oo bä, b'aa kajatsëk do hã tadajëp do hyb n'aa. Dooh ta majĩ rahado boo bä tan'oo bä, ta hã h'yy ka'eeh doo. ¹⁷ Kristo ewäd hyng, ta ky n'aa hanäm do ji tamaher'oot hyb n'aa. Ta ky n'aa hanäm do an'oo bä h'yyb nyw gó ji bawät P'op Hagä Do wē, ta wób sa wē na-ãäj hē. Bē hã, dawë P'op Hagä Do mahãnh habong do paa hã, ãã Judah buuj hã, P'op Hagä Do ky n'aa napäh do hã na-ãäj hē tamaher'ood wät ta ti ky n'aa. ¹⁸ Hÿÿ kä Kristo hyb n'aa, sahõnh hē èër, Judah buuj, Judah buuj nadoo do na-ãäj hē, ér hajaa ér ana bä ér Yb hÿ pong jé hawät do matym gó,[†] sét ub ta Sahee hyb n'aa, ér gadoo doo.

¹⁹ Ti hyb n'aa kä, bëeh, Judah buuj nadoo doo, dooh ta wób buuj bē do wäd bä. P'op Hagä Do karapee uuh né hē bë hÿÿ kä. P'op Hagä Do taah né hē bëeh, ta wób sa

[†] 2:18 Ji ky n'aa ets'ëē bä tii, ji ma ejäm bä, P'op Hagä Do ji j'aa etsëē bä na-ãäj hē.

nemuun. ²⁰ Tsäng s'ëëb, tób pan'aa ta hejój n'aa jó ji at'ëëg häng do hadoo bëëh. Jesus mejũ doo, Jesus ky n'aa rod na-ããj hē, ta ti tób hejój n'aa hadoo. Pā yb, sahōnh hē tób mesoo doo, Kristo Jesus né hē tii. ²¹ Sahōnh hē ëër, ër h'yy kata dāk Kristo hā. Kristo hyb n'aa, p'op gadat'ëë sëëk do hadoo tób pan'aa hadoo do ëër, P'op Hagä Do tób n'aa hadoo ër bahadoo hyb n'aa, tsyt hē Tak'ëp Hyb N'aa Jawyk Do wë kasëew dāk doo. ²² Kristo hā bë h'yy kata dāk do hyb n'aa, bëëh, Judah buuj nadoo doo, bë na-ããj hē séd hā bë h'yy kata dāk sahōnh hē Jesus hā h'yy ka'eeh do wób sa sii, P'op Hagä Do tób n'aa hadoo ër bahadoo hyb n'aa kä. Ta Sahee ër mahang tabawäd kän.‡

3

¹ Ti hyb n'aa kä, ÿÿh, Paw-Ro, Judah buuj nadoo do hā Kristo Jesus ky n'aa ÿ ma metëëk do hyb n'aa ÿ radawäts gëet doo, ÿ ky n'aa etsëë bë hyb n'aa.

P'op Hagä Do h'yyb däng do Paw-Ro hā takametä dāk do ky n'aa hahÿÿh

² Hā ÿ P'op Hagä Do anoo, bëëh, Judah buuj nadoo do ÿ ma metëëk hyb n'aa ji wë taky ennyim do ky n'aa. Hā ÿÿ, bë ky n'aa napäh hā ÿ tan'oo dāk doo. ³ Ta h'yyb däng doo, pooj jé ji nahapäh nä do P'op Hagä Do metä wät hā ÿÿ. Ganapog is doo me bë ÿ ma erii dāk ta ti ky n'aa hā nag'aap hē. ⁴ Bë ner'ood bä, bë hyb n'aa matakä bä, bë hapäh da, baad ÿ bahapäh Kristo ky n'aa pooj jé ji nahapäh

‡ ^{2:22} Hahÿ tahanäng pé ti tég nad'ëëd is do 20, 21, 22 hā kerii dāk doo: Sét ken'yyh sahōnh hē ëër, ër ky daheeh Kristo ky n'aa Jesus mejũ doo, ta ky n'aa rod na-ããj hē ër hā rama met'ëëg wät doo. Kristo hyb n'aa né hē séd hā ër h'yy kata dāk. P'op Hagä Do karapee, tsyt hē ta wë kasëew bong do ër bahado dāk Kristo an'oo bä. Ta Sahee me P'op Hagä Do awät hÿÿ kä ër mahang.

doo. ⁵ P'ooj ub, ji wahë makũũ hã dooh P'op Hagä Do metä bä paa nyy da tah'yyb däng tabad'oo doo, da hë ta Sahee me Jesus mejũũ do sa hã, ta ky n'aa rod sa hã na-ãäj hë tametëeh do pénh. Tsyt hë ta wë tasëew hõm do sa hã tametä kãn. ⁶ Hahỹ ti da hë tametëeh doo: Jesus ky n'aa hanäm do ragado bä, séd hã rah'yy kata däk Kristo Jesus hã. Ti hyb n'aa kä, Judah buuj nadoo do ragadoo da Judah buuj sii P'op Hagä Do sa hã taky n'aa edëng doo. Sét hë Jesus hub hadoo rabahado padëek Judah buuj sa sii. Sét né hë P'op Hagä Do karapee rabahado padëek. Judah buuj sa sii ragadoo da hỹỹ kä P'op Hagä Do ky n'aa enooh doo.

⁷ P'op Hagä Do ky enyym do hyb n'aa wë yỹ, ta hejój hã y tabanoo do hyb n'aa, hã y taban'oo däk ta ti ky n'aa hanäm do panäg n'aa y bahadoo hyb n'aa. ⁸ Sahõnh hë P'op Hagä Do karapee sa yd jé had'os do né paawä yỹh, P'op Hagä Do anoo hã yỹ, Judah buuj nadoo do sa hã y maher'oot hyb n'aa Kristo tak'ëp ky enyym doo, tak'ëp kabaj'aa do ky n'aa. Dooh ji haja bä baad ji h'yy kadawuung bä Kristo wë hanäng do hã. Jããm hë ta uuh hã ji h'yy kadaw'uuh, tak'ëp ta bahãnh baad tabahadoo do hyb n'aa. ⁹ P'op Hagä Doo, sahõnh hë mo haj'aa näng doo, hã y tabanoo ta wób y maher'oot hyb n'aa nyy d' tabad'oo tah'yyb däng doo, p'ooj ub sahõnh hë badäk hahỹỹ bä habong do paa hã tamanetëeh doo, ta h'yyp gó tenäm doo. ¹⁰ Tii d' P'op Hagä Do wén d'oo, hỹỹ kä, Jesus hã h'yy ka'eeh do sa hyb n'aa kametä däk hyb n'aa wë hã habong do kabaj'aa do sa hã, wë hã bag'ããs do sa hã na-ãäj hë, P'op Hagä Do h'yy ganäng sahõnh hë hã. ¹¹ P'ooj ub, sahõnh hë tadu dahäng do pooj jé P'op Hagä Do h'yyp gó tabanyy däk doo da né hë tabadoo kãn ta tii, Kristo Jesus, Ër Wahë N'aa bad'oo do hã. ¹² Kristo hã ër h'yy kata däk do hyb n'aa, ta hã ër h'yy ka'eeh do hyb n'aa na-ãäj hë, h'yyp neỹym doo me ër hajaa ër ana bä P'op Hagä Do matym gó ër ky n'aa ets'ëë

bä, är ma ejäm bä. Dooch ge'yÿm pé ji. ¹³ Ti hyb n'aa ÿ etsëë bë hä, bë h'yy gejë hõm manäh, nesaa do ÿ radawäts gëët doo bä bë hyb n'aa ÿ ahoop do hyb n'aa, baad tabahadoo hyb n'aa bë hä ta ti ÿ ahoop doo. Taw'ääts hë bë tsebee ta ti hyb n'aa.

¹⁴ Ti hyb n'aa kä, taron ÿ nu paa me ÿ bahyy häng är Yb hÿ pong jé hawät do wë, bë hyb n'aa ÿ ky n'aa etsëë hyb n'aa. ¹⁵ Ta ti är Yb an'oo bä hÿ pong jé habong doo, sahõnh hë badäk hahÿÿ hä habong do na-ääj hë rababok hyb n'aa.

¹⁶ Tak'ëp är Yb kabaj'aa, tak'ëp baad ub. Ti hyb n'aa ÿ ky n'aa etsëë ta Sahee me bë tah'yb hej'oonh hyb n'aa.

¹⁷ Ää ky n'aa etsëë na-ääj hë bë h'yb gó Kristo bawäd had'yyt hë hyb n'aa, ta hä bë h'yy ka'eeh do hyb n'aa. Ää ky n'aa etsëë bëëh, baad had'yyt hë bë kamahän hyb n'aa, kamahän gó sahõnh hë bë moo bok hyb n'aa, ¹⁸ sahõnh hë P'op Hagä Do karapee wób sa sii baad bë h'yy kadaw'uuh hyb n'aa tak'ëp baad had'op ji Kristo kamahän do hä. ¹⁹ Ää karën paawä bë bahapäh ta ti ji Kristo kamahän doo, dooh né paawä ji haja bä sahõnh hë ji hapëë bä, ta bahänh baad ub tabahadoo do hyb n'aa. Ji hä takamahän do bë bahapäh ÿ wén karën, baad bë h'yb gó P'op Hagä Do bawät hyb n'aa, P'op Hagä Do bawät doo da né hë bë baboo däk hyb n'aa kä.

²⁰ Ta hä är hajaa är ky n'aa etsëë do bahänh, är hajaa är hyb n'aa newëë do bahänh tak'ëp P'op Hagä Do hajaa tamoo wät är mahang, ta hejój me är h'yb gó hawät doo me. ²¹ Ää karën Jesus hä h'yy ka'eeh do sa hyb n'aa, Kristo Jesus hyb n'aa na-ääj hë P'op Hagä Do kawehëë däg had'yyt hë. Ýÿ. Tii d' né hë. Taw'ääts hë.

4

P'op Hagä Do karën doo da ji bawät do ky n'aa hahÿÿh

¹ Ti hyb n'aa, ÿÿh, Tak'ëp Hyb N'aa Jawyk Do ky n'aa ÿ ma metëek do hyb n'aa ÿ radawäts gëet doo, tak'ëp ÿ betseē bë hä P'op Hagä Do ta wë tats'yyt do sa hä takarën doo da né hē bë babok. ² Taw'ääts hē dooh né hē bë h'yy kasabé bä. Taw'ääts hē kaja hē denaa hē bë h'yyb bë mahũũm ta wób sa wë. Nayyw hē bë kawaj'ään manäh. Taw'ääts hē kamahän gó bë gadoo, ta wób bë ganen'aak do ramoo boo né paawä bë hä. ³ Séd ër h'yyb hedo däk P'op Hagä Do Sahee an'oo bä. Ti hyb n'aa taw'ääts hē bë hyb n'aa tam'aah, h'yyb nyyw gó had'yyt hē bë babok ta wób sa wë, tanahänh hyb n'aa séd bë h'yyb hedoo doo. ⁴ Sét né hē Jesus hub hadoo ëer, ta hä h'yy ka'eeh doo. Sét né hē P'op Hagä Do Sahee ër gadoo doo. Ti hadoo na-ääj hē, sét né hē baad hadoo do bë gada do ta jawén bë gadoo do pan'aa, bë P'op Hagä Do wén naëej wät. ⁵ Sét né hē ër Wahë N'aa, Jesus, Tak'ëp Hyb N'aa Jawyk Doo. Sét né ër h'yy ka'eeh doo. Sét né hē ër nu gahem'uun doo. ⁶ Sét né hē P'op Hagä Doo, sahõnh hē ta hä h'yy ka'eeh do sa Yb, sahõnh hē tabag'ääs doo, sahõnh hä moo wät doo, sahõnh hē ër h'yyb gó hawät doo.

⁷ Tii d' tahado né paawä, sét nado ër hä tanoo do ër hajaa doo. Kristo h'yyb däng doo da, sahõnh hē sa hä tabanoo ji hajaa do P'op Hagä Do Sahee anoo doo. ⁸ Ti hyb n'aa né hē hahÿÿ da P'op Hagä Do kyy kerih do her'oot paah:

“P'op tabasëek noo gó,
duu hënh rabana ta majiĩ wób tameso padëek do tan'oo
bä.

Tii bä sa matym n'aa taban'oo däg kän ta karapee hä.”*

* 4:8 Saaw-Mo 68.18

⁹ (Hahỹ̄ d' tahanäng pé ti p'op tabasëek doo: Tabasëek do pooj jé badäk hahỹ̄ bä Kristo bewäd hyng. ¹⁰ Ti né hē ti hỹ pong jé hasëek do sahõnh hē sa bahãnh tabahado däk hyb n'aa, sahõnh hē tabag'ããs hyb n'aa kä.) ¹¹ Ti né hē ti ta wób hã tabanoo ta mejũũ do rabahadoo hyb n'aa. Ta wób hã tabanoo P'op Hagã Do Sahee sa hã metëeh do her'oot doo. Ta wób hã tabanoo ta panyyg hanãm do jé pad'yyt hē rabaher'ood hõm hyb n'aa. Ta wób hã tabanoo Jesus hã h'yy ka'eeh do sa hagã n'aa, sa ma matëg rabahadoo hyb n'aa. ¹² Ti hadoo pé tawén noo sa hã, P'op Hagã Do karapee ramasa hyb n'aa, takarën do ta karapee rahajaa ramoo bok hyb n'aa. Tii d' tawén d'oo na-ããj hē, Kristo hã h'yy ka'eeh do rah'yy kahej'oonh hyb n'aa, baad rah'yy ka'eeh, baad raky dahé magyys hē hyb n'aa, ¹³ sahõnh hē ëër, séd hã ër h'yyb hedo dæg kãn hyb n'aa ër h'yy kaha'eeh do hyb n'aa, P'op Hagã Do T'aah ër hapäh do hyb n'aa. Aj'yy h'yyb mapëë däk do hadoo ër bahado däk tii bã, Kristo hado däk né hē ër bahadoo hyb n'aa kä. ¹⁴ Tii bã, dooh karepé ër hado boo bã kä. Dooh h'oo t'aah hadoo ër hado boo bã, jé pad'yyt hē maadaka maeh do mahũũm doo, jé pad'yyt hē bah'ood ahëm hõm doo. Dooh ajyy ji hã wad'ii doo, h'yy kamep'ëeh doo me panyyg hahup nadoo do rama mehet'ëek do ër ky dahé wäd bã, ÿ hanäng péh. ¹⁵ Hỹ̄ kä, taw'ããts hē kamahãn gó ër ber'oot ër maa newëë baad hadoo do ky n'aa, sahõnh hē ta tii hã ër h'yyb mepëë däk hyb n'aa, Kristo hadoo ër bahado däk hyb n'aa kä. Ta hã h'yy ka'eeh do sa nu gabóg né ti Kristo. ¹⁶ Ta hub hadoo ëër. Sahõnh hē ji hã hanäng doo, ji tsyym hedoo doo, ji moo hedoo doo, ji jarãã masoo baad tabahadoo hyb n'aa. Sahõnh hē ji hã hanäng do baad rado bã, baad ub tii bã ji, ji hejooonh. Ti hadoo ër hã, Jesus hã h'yy ka'eeh do hã: Kamahãn gó ër sahõnh hē ër moo boo bã Kristo, ër nu gabóg, sét ken'yyh ër hã tanoo doo, tii bã ër da h'yy

kahej'oonh, baad ər h'yy kae magyys hē, baad ər ky dahé magyys hē.

¹⁷ Ti hyb n'aa, Tak'öp Hyb N'aa Jawyk Do kyy gó tak'öp péj bē ŷ mejũũ, P'op Hagä Do sa h'yyb gó nahapäh do rababok doo da bē aboo boo manä wäd! Daap hadoo do rahyb n'aa newëë do jawén rababok tii. ¹⁸ H'yy gatamah baad hadoo do hã. Nabuj keh'ũũm do hyb n'aa, dooh rah'yy kadawuung bä, dooh rah'yy gah'ood bä P'op Hagä Do hã. Ti hyb n'aa dooh rahapëë bä na-ããj hē papuuj gó ji awät doo, ji hã P'op Hagä Do anoo doo. ¹⁹ Rawao däk nesaa do ramoo bok do hã. Ti hyb n'aa dooh ranu mebyy wäd bä nesaa do ramoo bok do hã. Sa h'yyb karën do jawén rababoo had'yyt hē. Hajõng hedoo pé nu meby n'aa nãng do ramoo boo had'yyt hē. Dooh rah'yy keba bä ta ti hedoo do hã. Kah'ũũm ta ti nesaa do rakarën doo. ²⁰ Bëë kä, dooh ta ti rababok doo da bē aboo boo bä do hyb n'aa Kristo bē wén hapëë däk bē h'yyb gó. ²¹ Bë ky n'aa napäh né hē Kristo ky n'aa. Bë ãã ma met'ëëg wät nyy da takarën bē babok, ta hã bē h'yy kata däk do hyb n'aa. Baad hadoo do ky n'aa Jesus hanaa bē ãã ma met'ëëg wät doo. ²² Bë ãã ma met'ëëg wät, bē beréd hõm hyb n'aa pooj jé bē babok do paah, ji h'yyb karën do ji tawadii do hyb n'aa baad nado wäd doo. ²³ Bë ãã ma met'ëëg wät, bē an'oo bē P'op Hagä Do h'yyb wareem. ²⁴ Bë ãã ma met'ëëg wät, bē gadoo hyb n'aa kä bē h'yyb tym papuuj, P'op Hagä Do mo haj'aa ta da hadoo tabahadoo hyb n'aa. Baad had'op ji bawät, P'op Hagä Do karën doo da ji bawät ta ti an'oo bä. Baad hadoo do hanaa ta tii da ji bawät doo.

²⁵ Ti hyb n'aa bē noo kanesa manäh. Taw'ããts hē bē noo gehub bē da hadoo do sii bē er'ood bä, séd uuh ər sahõnh hē ər bahadoo do hyb n'aa. ²⁶ Bë kawaj'ããn bä, bē an'oo manä baad nadoo do bē moo boo ta ti hyb n'aa. Kawaj'ããn bē hyb n'aa hũũm manäh. Bë h'yyb ehód manä

bë kawajãän doo. ²⁷ Bë an'oo manä ta tyw n'aa Dijab† hä, bë tah'yib natatuk hyb n'aa.

²⁸ Pooj jé hets'ëek doo, taw'ãäts hē dooh tetsëeg wäd bä. Taw'ãäts hē tamoo wät hÿy kä, ta wë tabanäng hyb n'aa, wë bedoh do tamasa hyb n'aa kä.

²⁹ Bë esog manä nesaa do ta wób h'yib rejãä doo. Jãäm hē baad hadoo doo, ta wób masa do bë her'ood. Ji da hadoo do h'yy katón bã, ji h'yib en'yym ji her'oot doo me. Tatsebee bã, tsebé doo me ji ber'oot. Ti hõm do had'yit hē. Tii d' bë bad'oo baad tanu däng hyb n'aa maa new'ëe do sa hä. ³⁰ Bë er'ood manäh, bë moo boo manä na-ãäj hē P'op Hagä Do Sahee h'yy katón hanoo doo. Ta Sahee P'op Hagä Do anoo dó er hä, er ta karapee tametëeh hyb n'aa. Tanoo dó er hä baad er tabed'ëep bã kä. ³¹ Taw'ãäts hē bë eréd hõm sahõnh hē bë manabaan doo, h'yy ganapũũ doo, ji kawajãän doo, ky ked'aak doo, ta see ji ky n'aa rejãä do na-ãäj hē. Taw'ãäts hē bë eréd hõm né hē bë da hadoo do bë pan'aa takyyk doo. ³² Taw'ãäts hē h'yib nyyw gó bë gadoo ta wób. Taw'ãäts hē bë t'yyd mehĩn bë da hadoo doo. Taw'ãäts hē bë mabaan hõm baad nadoo do ta wób bë hä rabad'oo doo, nesaa do bë moo bok do paah Kristo hyb n'aa P'op Hagä Do mabaan hõm doo da né hē.

5

¹ Ti hyb n'aa, taw'ãäts hē P'op Hagä Do bad'oo doo da né hē bë bad'oo, ta taah tak'ëp takamahãn do bë bahadoo do hyb n'aa. ² Taw'ãäts hē kamahãn gó bë babok, Kristo er takamahãn doo da né hē, ta daaj hē takan'oo däk doo, er hyb n'aa tadajëp hyb n'aa. P'op Hagä Do h'yy gadajang Jesus hä, ta daaj hē takan'oo däk do hyb n'aa er hyb n'aa tadajëp noo gó.

† 4:27 Gereg kyy me ramaneëenh Nesaa Do Yb, Dijab. “Ji taky n'aa tapa had'yit doo”, tahanäng pé ti Dijab.

³ Bě aã manä bë ÿÿm nadoo do sii, bë patug nadoo do sii. Bě moo boo manä nesaa do nu meby n'aa näng do bë hã hanäng doo me. Bě hyb n'aa hũm manä bë ma. Tabad'op hẽ ti hedoo do bë moo boo manäh. Dooh bë er'ood bë da hadoo do sii ta ti hedoo do ky n'aa. Dooh tii da P'op Hagä Do karapee tsyt hẽ ta wẽ tasëew hõm do raboo bä. ⁴ Bě er'ood manä nesaa do nu meby n'aa näng doo. Daap hadoo do na-ããj hẽ, taw'ããts hẽ dooh bë her'ood. Taw'ããts hẽ dooh bë ky masujj bä nu meby n'aa näng doo me ta wób rakawew'aam hyb n'aa. Dooh tii da rer'ood bä Jesus hã h'yy ka'eeh doo. Taw'ããts hẽ hahÿÿ da bë bad'oo: P'op Hagä Do wẽ ẽr tsebé baad hadoo do ẽr hã tanoo do hyb n'aa. ⁵ Baad ÿ karẽn bë bahapäh hahÿÿh: Sa ÿÿm nadoo do sii, sa patug nadoo do sii he'ÿÿh doo, nesaa do nu meby n'aa näng do sa hã hanäng doo me ramoo bong doo, sa ma rahyb n'aa h'ũm do na-ããj hẽ, dooh ragado bä Kristo P'op Hagä Do daheeh rabag'ããs doo bä. Sa ma rahyb n'aa h'ũm doo, kabarii hã h'yy kaha'eeh do hadoo, sa ma hã rah'yyb padëek do hyb n'aa. Dooh P'op Hagä Do hã rah'yy kae heh'ãät ta tii. ⁶ Bě gado manä ky kamep'ëeh doo me bë rakarẽn bä bë rawad'ii bä, ji hajaa nanäng nesaa do ji moo wäd bä raheer'ood bä. Ta ti hedoo do hyb n'aa né hẽ P'op Hagä Do rejãã da nabuj keh'ũm doo. ⁷ Ti hyb n'aa sa da bë h'yyb hedo manäh.

⁸ Badagyp do hadoo doo gó bë babok paah. Hÿÿ kã ta bag hadoo doo gó bë baboo däk Tak'ëp Hyb N'aa Jawyk Do hã bë h'yy kata däk do hyb n'aa. Ti hyb n'aa taw'ããts hẽ ta bag hadoo doo gó né hẽ bë babok. ⁹ Ta bag gó ji awäd bä, baad ji ky enyym, baad hadoo do P'op Hagä Do karẽn do ji moo wät, dooh ji noo kanesa bä, dooh ji wad'ii bä. ¹⁰ Baad bë hyb n'aa newë, Tak'ëp Hyb N'aa Jawyk Do karẽn do hã bë h'yy kadaw'uuh hyb n'aa. ¹¹ Bě moo boo manä badagyp do hadoo doo gó habok do ramoo heb'ooh doo. Dooh baad

hadoo do ta ti hanaa. Bë maher'ood sa hã, bë metäh sa hã, baad nado rabahapäh hyb n'aa ta ti badagyp hadoo doo gó moo kahew'ëët doo. ¹² (Nu meby n'aa näng kejën doo gó ramoo heb'oooh do ky n'aa ji her'ood bä.) ¹³⁻¹⁴ Ti hadoo né hë, sa hã ji maher'ood bä, ji metä bä sa hã nyy da P'op Hagä Do karën ji hã, nesaa do né hë ti ramoo bok doo, rabahapäh da tii bä. Ta bag banäng bä ji manyyh do badagyp doo gó kejën do hadoo tii. Ta bag metëäh, ji bahapäh da ny hadoo ta tii. Ti hyb n'aa hahÿÿ da ta wób sa kyyh:

“Ty gawëej däg haÿÿh do òm.
Ganä da dejëp do mahang hawät do òm.
Tii bä Kristo bag adäng da a hã.”*

¹⁵ Ti hyb n'aa, taw'ääts hë baad bë hyb n'aa matakä nyy da bë babok. H'yy gatamah do rababok doo da bë aboo manäh. Taw'ääts hë P'op Hagä Do karën do hã h'yy genäh do rababok doo da bë babok. ¹⁶ Ta tyw n'aa nyy bä baad hadoo ji moo wät hyb n'aa, taw'ääts hë bë moo boo né hë baad hadoo doo, nesaa do jé pad'yyt hë takah'üüm kån do hyb n'aa da hë. ¹⁷ Ti hyb n'aa bë h'yy gatema manäh. Taw'ääts hë bë h'yy kadaw'uuh Tak'ëp Hyb N'aa Jawyk Do karën do hã. ¹⁸ Bë eëg manä hejooonh do bë ba'oom hyb n'aa. Ji baoom do ji tah'yyb mahüüm nesa do ji her'oot, nesaa do ji moo wät hyb n'aa, ji tarejäã na-ääj hë. Taw'ääts hë P'op Hagä Do Sahee tii, bë an'oo baad bë tah'yyb mahüüm hyb n'aa. ¹⁹ Tii bä, Saaw-Mo hã hanäng do kejäm do ky n'aa me, ta see pé P'op Hagä Do ji ma ejäm

* ^{5:13-14} Gadagyp do hadoo doo gó habok doo, haÿÿh do hadoo, dejëp do hadoo na-ääj hë P'op Hagä Do ranahapäh do hyb n'aa. Kristo ky n'aa ji gado bä ji ty gawëej däk do hadoo, ji ganä wät do hadoo.

do ky n'aa me na-ããj hẽ bë maher'ood ta wób.† Tii bã, bë h'yyb gó naa Tak'ëp Hyb N'aa Jawyk Do bë j'aa etsë, bë ma ejäm. ²⁰ Tii bã, P'op Hagä Do Sahee bë tah'yyb mahüüm do hyb n'aa, taw'ãäts hẽ ër Wahë N'aa Jesus Kristo häd gó had'yyt hẽ bë h'yy gadeja P'op Hagä Do ër Yb wë. Taw'ãäts hẽ sahõnh hẽ hyb n'aa bë h'yy gadeja ta wë. ²¹ Kristo bë weh'ëëh do hyb n'aa taw'ãäts hẽ bë da hadoo do bë ky daheeh. Taw'ãäts hẽ kawanajãän doo gó bë gadoo bë ramaher'ood bã.

Yÿj hã tamaher'oot do ky n'aa hahÿÿh

²² Yÿj, taw'ãäts hẽ bë ky daheeh bë patug, Tak'ëp Hyb N'aa Jawyk Do bë ky daheeh doo da. ²³ Ta yÿm nu gabóg ta patug, Kristo, ta hã h'yy ka'eeh do sa nu gabóg hadoo doo da. Kristo hub hadoo do ta hã h'yy ka'eeh doo. Kristo sa h'yyb tym dëëb. ²⁴ Taw'ãäts hẽ Kristo hã h'yy ka'eeh do ta hã raky daheeh doo da sahõnh hã sa yÿm raky daheeh sa patug.

Ajyy hã tamaher'oot do ky n'aa hahÿÿh

²⁵ Ajyy, taw'ãäts hẽ bë kamahãñ bë ãj, Kristo ta hã h'yy ka'eeh do takamahãñ doo da, ta daaj hẽ sa hyb n'aa takan'oo däk doo, ²⁶ tsyt hẽ ta wë tabasëew hõm hyb n'aa, baad sa hã tabenäm hyb n'aa. Ta ky n'aa hyb n'aa sa hã tabenäm. Naëng me tabenäm hadoo sa hã.‡ ²⁷ Tii d' tawén d'oo, tak'ëp hanäm gó takarën ta hã h'yy ka'eeh do rababoo däg kãn, ta wë tagadoo noo gó. Takarën dooh hesus hedoo doo pé sa mahang hanäng. Takarën dooh baad nadoo do sa mahang hanäng péh. Tsytt hẽ nesaa do mahãnh, baad had'op doo da rababoo däk takarën. ²⁸ Taw'ãäts hẽ ajyy rakamahãñ sa ãj, Jesus bad'oo doo

† 5:19 Ta wób ji h'yyb en'yym hyb n'aa tii, sahõnh hẽ ratsebé hyb n'aa na-ããj hẽ. ‡ 5:26 Ji nu kemuun do ky n'aa tii.

da né hē ta hā h'yy ka'eeh do wē. Taw'āāts hē sa hā hē rakamahān doo da ajyy rakamahān sa āj. Jé ta ȳym kamahān doo, ta daaj hē ti takamahān ta hā hē. ²⁹ Ta ti ȳ wén her'oot, dooh ta daaj hē, ta hub ty n'aa ges'yyk péh. Ji waa ji esoos ji bahejoonh hyb n'aa, baad ji hag'āās ji hub hā. Ti hadoo Kristo bad'oo ta hā h'yy ka'eeh do hā, baad ji tabahag'āās. ³⁰ Sét ken'yyh eēr, ta hub uuh hadoo eēr. ³¹ Hahȳy da takerii dāk Genesis hā: “Ti hyb n'aa kā m' aj'yy kā sa yb sa ȳyn mahānh kā sa m'aa hēnh kā, tagatēē hyb n'aa ta ȳym kā. Raketēē jawén paa bā sét rabahado padēēk ta ȳym daheeh”,[§] nāng kerih doo. ³² Tak'ēp tabahetsooh ta ti kerih do ky n'aa see pooj jé ji nahapāh doo. Hā ȳy, Kristo, ta hā h'yy ka'eeh doo, séd h'yyb hedoo do ky n'aa ta ti taher'oot na-āāj hē. ³³ Te hub né paawā ta tii, ketēē do sa ky n'aa na-āāj hē ta her'oot. Ti hyb n'aa sahōnh hē bē ajyy, taw'āāts hē bē kamahān bē āj bē hā hē bē kamahān doo da. Taw'āāts hē ȳyj raweh'ēēh sa patug.

6

Karapee, pahēēw, maruus, sa yb hā na-āāj hē tamaher'oot do ky n'aa hahȳy

¹ Karapee, pahēēw, maruus, Tak'ēp Hyb N'aa Jawyk Do karapee bē bahadoo do hyb n'aa, bē ky dahé bē yb, bē ȳyn. Taw'āāts hē né hē ta tii da bē bad'oo. ² Hahȳy da kerih do hā: “Mawehēē a yb, mawehēē a ȳyn.” Jāam pooj jé P'op Hagā Do ky n'aa jaw'yyk do ji ky dahé bā baad hadoo do ji gadoo taky dāng do tii. ³ Hahȳy da ji hā taky dāng: “Mawehēē bā a yb, mawehēē bā a ȳyn ōm wād dawēēt da badāk hahȳy bā.”*

⁴ Bēēh, sa yb, bē ejāg manā bē taah rah'yy ganapō mahānh. Taw'āāts hē baad bē baw'ēēh baad bē maher'ood

§ 5:31 Genesis 2.4 * 6:3 Dew-Teronom 5.16

sa hã, baad rababok hyb n'aa. Bë ma met'ëëg sa hã nyy da Tak'ëp Hyb N'aa Jawyk Do karën ji bawät.

Sa karom hã, sa kariw n'aa hã na-ãäj hë tamaher'oot do ky n'aa hahÿÿh

⁵ Bëeh, sa karom, bë ky dahé bë kariw n'aa. Baad bë wehëë sa hã. J'ooj madäk doo me bë moo boo manäh bë ramejüü doo. Kristo bë ky daheeh doo da bë ky dahé bë kariw n'aa. ⁶ Taw'ãäts hë dooh jããm hë bë ky daheeh bë moo bok do tahegãã bä, bë hã taj'aa etsë bë karën paawä do hyb n'aa. Kristo karom bë bahadoo do hyb n'aa, bë h'yyb gó naa, P'op Hagä Do karën doo da bë moo boo sahõnh hë. ⁷ T'öp bë h'yyb gó naa, tsebé doo me, bë moo boo bë ramejüü doo. Taw'ãäts hë Tak'ëp Hyb N'aa Jawyk Do wë bë moo bok ta ti bë h'yyb gó, ajyy wë had'yyt nado. ⁸ Hahÿ bë hyb n'aa newë: Sahõnh hã Tak'ëp Hyb N'aa Jawyk Do anoo da baad hadoo do ji moo wäd wät do mabaj, ta see karom ji do bä, sa karom ji nado bä na-ãäj hë.

⁹ Bëeh, sa kariw n'aa hedoo doo, bë karom bë raweh'ëëh doo da bë wehëë na-ãäj hë sa hã. Bë eãm manä bë karom, sét né hë ji Kariw N'aa hÿ pong jé hawät do bë bahapäh do hyb n'aa. Bë karom sa Kariw N'aa, bë kariw n'aa na-ãäj hë né tii. Ta ti dooh tasëew bä ji mahang. Séd gó tagadoo sahõnh hë. Ti hyb n'aa tabad'oo doo da bë bad'oo.

Ji mo n'aa jesuu n'aa ky n'aa hahÿÿh

¹⁰ Tagadëëg ub bë ÿ maher'oot hahÿÿh: Bë h'yy kahejój Tak'ëp Hyb N'aa Jawyk Do hanaa, tak'ëp hadoo do ta hejój hanaa. ¹¹ Kaneb'oooh do pooj jé sahõnh hë ta mo n'aa jesuu n'aa warahén dadäk doo da, ta kuman tado däk doo da, bë dadäg hadoo bë mo n'aa jesuu n'aa, bë ado däg bë kuman hadoo do bë hã P'op Hagä Do an'oo däk doo, Dijab karën bä bë tawadii, bë hã tanahajaa hyb n'aa, ta hã bë j'aa ketsë hyb n'aa. ¹² Ta ti ÿ wén her'oot, dooh ajyy ër majiĩ rado bä.

Karap'aar h'yyb nesaa do hedoo do hyb n'aa jeryk doo, nesaa do hejój n'aa näng doo, badäk hahÿÿ bä badagyp do hadoo doo gó habok do hä bag'ääs doo, ti né hē ēr majiī. Kabaj'aa hedoo do nesaa do wē hä habong doo, ti né hē na-āāj hē ēr majiī. ¹³ Ti hyb n'aa, bē ado däg sahōnh hē bē mo n'aa jesuu n'aa, bē kuman hadoo do na-āāj hē P'op Hagä Do anoo doo, nesaa do bē wē takajaa noo gó nesaa do bē hä tanahajaa hyb n'aa, sahōnh hē bē bahajaa bä kä, bē j'aa ketsē hyb n'aa kä. ¹⁴ Baad bē hyb n'aa matakä däg. Bē ehub had'yyt hē bē her'oot do hä, ēr majiī wē bē bahej'oonh hyb n'aa. Warahén ta baa wyd tadadäk doo da tii, tanahewaat hyb n'aa. Warahén ta h'yyb gatsapoog n'aa tadadäk doo da baad takan'yyh hyb n'aa, baad had'op bē aboo baad bē kan'yyh hyb n'aa. ¹⁵ Warahén ta tsyym suun tapadedēek doo da takahej'oonh hyb n'aa, tii da baad bē gado panyyg hanäm doo, h'yyb nyyw gó ji bawät hanoo doo, nesaa do hä bē h'yy kahej'oonh hyb n'aa. ¹⁶ Warahén gatoj jesuu n'aa hadoo ji h'yy ka'eeh doo. Bē h'yy kae né hē. Bē h'yy kae bä bē hajaa bē meduuk gatoj hadoo do hahōng do Nesaa Do Yb hanaa. Bē h'yy kae bä, bē hajaa bē medug bä Nesaa Do Yb bē tah'yyb tatuk doo. ¹⁷ Warahén ta soog sapaar s'ēeb tadadäk doo da, baad bē hyb n'aa newē had'yyt hē bē Jesus edēeb wät né hē nesaa do mahānh. Bē ado däg na-āāj hē P'op Hagä Do Sahee anoo do sēn-jeer, P'op Hagä Do kyyh. ¹⁸ Bē er'ood had'yyt hē P'op Hagä Do sii, bē hä ta Sahee h'yyb mahūüm doo da. Bē ky n'aa ets'ēē bē tamasa had'yyt hē hyb n'aa. Bē hyb n'aa matakä had'yyt hē. Bē h'yy gejē hōm manäh. Bē ky n'aa ets'ēē had'yyt hē ta wób Jesus hä h'yy ka'eeh doo.

¹⁹ Taw'ääts hē hēp ŷ n'aa na-āāj hē bē ky n'aa etsēē, ŷ ber'oot bä, P'op Hagä Do anoo hyb n'aa hä ŷŷ ŷ her'oot do pan'aa, h'yyb neŷŷm doo me ta ky n'aa hanäm do pooj jé ji nahapäh do ta wób hä ŷ maher'oot hyb n'aa. ²⁰ Ta ti

ky n'aa hanäm do rod n'aa ỹyh, Jesus mejũũ doo, ỹ rawén dawäts gëët. Hëp ỹ n'aa bë ky n'aa ets'lëẽ, ta ky n'aa hanäm do h'yyb neỹym doo me ỹ baher'oot hyb n'aa, hã ỹ Jesus karën doo da.

Paw-Ro kedëë hõm do ky n'aa hahỹyh

²¹ Tikiko, ër hÿỹj hadoo do baad ër kamahãn doo, baad ãã sii Tak'ëp Hyb N'aa Jawyk Do wë moo wät doo, bë da tamaher'oot sahõnh hë këh ỹ n'aa. ²² Bë wë ỹ mejũũ tabahõm bë tamaher'oot hyb n'aa nyy da babä ãã babok, bë tah'yyb en'yym hyb n'aa na-ããj hë.

²³ ãã karën h'yyb näw, kamahãn doo, baad h'yy ka'eeh do na-ããj hë P'op Hagä Do ër Yb, Jesus Kristo Tak'ëp Hyb N'aa Jawyk Do ranoo bë hã hãj haa hedoo doo. ²⁴ ãã karën sahõnh hë ër Wahë N'aa Jesus Kristo hã had'yyt kamahãn do wë P'op Hagä Do ky enyym. Jããm hë kä.

Pop Hagä Do Panyyg Hanäm Do Hahÿÿh
 The New Testament in the Nadëb language of Brazil (BR:mbj:Nadëb)
 O Novo Testamento na língua Nadëb do Brasil
 copyright © 2011 Wycliffe Bible Translators, Inc.

Language: Nadëb (Nadëb)

Translation by: Wycliffe Bible Translators

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nadëb

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-29

PDF generated using Haiola and XeLaTeX on 13 Mar 2019 from source files dated 12 Mar 2019

c5681c4e-55f8-5b64-badf-af07c5e28afc